

## ভিসি ও পুলিশ কর্মকর্তাদের অপসারণের মাধ্যমেই সংকটের সমাধান সম্ভব

শেখ হাসিনা

ইত্তেফাক রিপোর্ট ॥ জাতীয় সংসদে বিরোধী দলীয় নেত্রী ও আওয়ামী লীগ সভানেত্রী শেখ হাসিনা ঢাকা বিশ্ববিদ্যালয়ের শিক্ষক, ছাত্র, কর্মচারী ও সাংবাদিকদের উপর পুলিশী হামলার নিন্দা জানিয়ে বলেছেন- জোট সরকার, তল্লিবাহক ভাইস চ্যান্সেলর ও পুলিশ বাহিনীর এহেন অভ্যচার, নির্যাতন সুস্থ বিবেকবান কোন নাগরিকই মেনে নিতে পারে না। যুক্তরাষ্ট্রে থেকে গতকাল মঙ্গলবার পাঠানো এক বিবৃতিতে শেখ হাসিনা ক্ষমতাসীনদের এ জঘন্য বিবেকবর্জিত (২য় পৃঃ ৭-এর কঃ ৫ঃ)

তারিখ: ... ..  
সংখ্যা: ... ..

শেখ হাসিনা

(প্রথম পৃঃ পর)

নির্যাতনের পথ পরিহারের আহ্বান জানিয়ে বলেন, ঢাকা বিশ্ববিদ্যালয়ের ভাইস চ্যান্সেলর ও পুলিশের সংশ্লিষ্ট কর্মকর্তাদের অপসারণের মাধ্যমেই বিরাজিত সংকটের সমাধান হতে পারে। একই সঙ্গে তিনি বলেন, দেশ শাসনে নৈতিক অধিকারহারা শাসক গোষ্ঠীর অপসারণ হচ্ছে পরিস্থিতির উন্নতি বিধানের এক কার্যকর পথ। আওয়ামী লীগ সভানেত্রী এ লক্ষ্যে শিক্ষক, ছাত্র, কর্মচারীসহ সর্বস্তরের মানুষের যে আন্দোলন গড়ে উঠেছে এর সঙ্গে একাত্মতা প্রকাশ করেন এবং আমরণ অনশনরত ছাত্র-ছাত্রীদের সঙ্গেও একাত্মতা প্রকাশ করে পুলিশের নির্মম আক্রমণে দৈহিক ও আর্থিকভাবে আহত সকল শিক্ষক, ছাত্র-ছাত্রীর প্রতি আন্তরিক সমবেদনা জ্ঞাপন করেন। শেখ হাসিনা লক্ষ্য অর্জন না হওয়া পর্যন্ত চলমান আন্দোলনকে সচল রাখতে এবং তীব্র থেকে তীব্রতর করার জন্য দলমত নির্বিশেষে সকল দুঃশাসন বিরোধী দেশপ্রেমিক গণতান্ত্রিক শক্তির প্রতি আহ্বান জানিয়েছেন।

শেখ হাসিনা বলেন, শান্তিপূর্ণ কর্মসূচীতে পুলিশী হামলায় শিক্ষক বীর মুক্তিযোদ্ধা ড. আনোয়ার হোসেন, ১০ জন সাংবাদিক, ছাত্রলীগের ভারপ্রাপ্ত সভাপতি মারোফা আক্তার পপিসহ শতাধিক ছাত্র-ছাত্রী আহত হয়েছে। শিক্ষক ও সাংবাদিকদের যেভাবে লাঠিপেটা ও বুটজুতা দিয়ে লাধি মারা হয়েছে তা ন্যাকারজনক ও লঙ্কাজনক। এতে সহজেই অনুমেয়, দেশের আইন-শৃংখলা পরিস্থিতি কোন্ পর্যায়ে গিয়ে পৌঁছেছে। সাংবাদিকদের উপর হামলা ছিল আরো নির্মম। চিকিৎসার জন্য তাদের হাসপাতালে ভর্তি হতে হয়েছে। তিনি বলেন, জোট সরকার তল্লিবাহক বিশ্ববিদ্যালয় প্রশাসন এবং বরকন্দাজ পুলিশ বাহিনীর মাধ্যমে পরিস্থিতিকে উত্তপ্ত করে তুলেছে। তারা ক্ষমতার দর্পে নির্যাতন ও নিপীড়নের মাধ্যমে বিশ্ববিদ্যালয়ের পরিস্থিতি নিয়ন্ত্রণ করার অপপ্রয়াস চালিয়ে যাচ্ছে। যার পরিণাম শুভ হতে পারে না।

আওয়ামী লীগ সভানেত্রী শেখ হাসিনা অপর এক বিবৃতিতে সন্ত্রাসীদের ছুরিকাঘাতে গত সোমবার নিউ মার্কেটের ব্যবসায়ী ও আওয়ামী লীগের ঢাকা মহানগর ৫২ নং ওয়ার্ডের যুগ্ম আফ্রায়ক জহিরুল ইসলাম জহিরকে নির্মমভাবে হত্যার তীব্র ক্ষোভ জানিয়ে হত্যাকারীদের দৃষ্টান্তমূলক শাস্তি দাবী করেছেন। জনগণের জানমালের নিরাপত্তা দিতে ব্যর্থ জোট সরকারের বিরুদ্ধে শেখ হাসিনা একাবদ্ধ আন্দোলন গড়ে তোলার জন্য জনগণের প্রতি আহ্বান জানান।